

**THADOU BAPTIST ASSOCIATION
ONE DAY SUNDAY BIBLE SCHOOL TEACHERS SEMINAR
On 27/02/2016 (Saturday)**

ORGANISED BY: CHRISTIAN EDUCATION DEPARTMENT TBA

**Topic: *Sunday Bible School Teacher/Jilkung mopoh na aletdan*
Compiled By: *Kaithang Singsit, M.Th***

Thumakai

Eza'n Pakai Danthu phatah lelunglut tah-a asimtoh lhonna atoh-a apotdoh-a, chua ami Israelte thumopna aneidan hi ivetle Pathen thu angailut danle Athua teacher/jilkung dihtah le kitah tah chule amiten amabanga Pathen thu aheth uva ajuitei diu adeisahna kichehtah-in akimudoh theijin ahi (Ezra 7:10). Ezra'n amopoh na thalhingsetna akihet doh banga Pathen thu Jilkung khatnin amopohna akihetchet becheh teina dinga noiya hin kitahlang cheng lunglut tah-a simlha-a ngai lhahon phatchomna lentah anei betei ding kinep aumin ahi.

SUNDAY SCHOOL TEACHER KHATNIN ANEI TEIDING 5C

1. Christ (Christa)

Sunday School teacher khatnin Jesu Christa hi Pathen Chapa chang khatseh Pathenin amite chonsetna a kon ahuh doh-a aum thei tei nadiuva Nungah theng Mary sunga mihem nangle kei lima ahinpen sah-a, gentheina tincheng athoh jouva Cross a kikhen beh-a thina chan ato, thi nan atin joulou phatna lhanna kona hungthou doh-a tua Pa koma uma nikhatle atahsan chate jouse ahungpui kit ding ahiti hetna aneitei ding, chule hiche hetna aneitoth lhonna chu teacher khatnin Jesu Christa aneiteitei ding ahi.

2. Community (mipi)

Chungakisei Sunday school teacher khatnin Christa hetchetna aneija chule amatah-in Christa akisantei ding ahitia imuban jomuva S/S teacher khat chun ama community khoh sahna anei teiding ahi. Community kiti hin adoi tampi umjungle eima student/jillai ho chu community kitimai ahi. Mi koitobang ham khatchu Christa ngailua ahija mihemte ngailu lou jong umthei maijinte. S/S teacher khatchu community lah-a kona hungdoh ahin community ma chu Pathen thua akhang tousah ding ahi. Student khat chang cheh chu nikhat le community sunga mipachom tah ahung hi teiding hi teacher khat lungthim sunga chengjing ding ahi.

3. Character (chonchan)

Chonchan/Nunle khan kiti hi mihem tedinga thupi pentah khat ahi. Tahsa lam hihen Lhagao lam hijongle mihem khatnin chonchan pha apoh doh louteng amachu atahsa hing jongle athisa tobang hija ahitai. Hiche tobang golla chu S/S teacher khat chun tahsa lam mitvetna a student ho kupalna ding abol lou beh ding ahi. vetsah nan thusei, lasah, nehle don chule adang dang. Tahsa lam ma thil kibol hin Lhagao hinkho jong atohkha ahijeh-in nunle khanna ithenna chu student ho vetsah-a juisahtei ding ahi.

4. *Calling (kouna)*

Kou nakiti hi thupi tah ahi. Ipu Ipa paochamtuh-a “koulousakhom” kitihin thil lentah eigel dohsah theijun ahi. Sunday school hi Pathen thu kihil namun ahitahjeh-a chu hiche a mihil dingho chu hichena dinga chu kouna achannu ngai ahi. Mi khat tou chu mihil lampanga themna aneijeh jong chun pang nante. S/S teacher khat chun chihna, thepna, bolthei na etc. tamtah aneina banna Pathen’akonna kouna achan tei ngai ahi. Pathenin ibon chaova amana tongdia kouna einei sao ahitan, hiche kouna chu kisan dingle kisanlou ding chu mi ama ama chungu um ahi.

5. *Competencies (themnanei)*

S/S teacher khatchun Christa aneitai, amite/a student ho khohsah na aneitai, chon chan phatah jong anei jin chule Pathen kouna chang mi jong ahitai. Hinla ama a chun thepna, bolthei na chule ahetna student ho pedoh jouta hihleh aphot chom na deibanga umlou ding ahitai. Teacher khat dinga athupi pentah khat chu student hon ihil ahetdiu hi ahi. Hetnalhasam, bol thei na lhasam ihikhah tahjongle jachah na neilouva tomngai tah-a pan lah-a lekhasim thei chan simma chule dohdinga lom athem ho doh-a i-mi hil ho chu hetsah teiding ahi.

SUNDAY SCHOOL TEACHER KHATNIN ABOL TEI DING

1. Sunday School Jilkung/Teacher khatna hina chungu kisonlel na tampi neithej jin nate, hijongle hiche kisonlel nalai tah-a chu Pathen pansah ding ahi.
2. Mihil khat chun a ahilding Simmun/Lesson chu phatah-a taona puma kigotna anei masah tei ding ahi.
3. Mihil khat chun ahil na simmun doi le tup phatah-a ahethoh-a, chutengle a student ho ahethem sah tei ding ahi.
4. Mihil khat chun ahil ho khang umdol (chapangneo, khanglai, pilhingetc) asuhmil lou ding ahi.
5. Mihil khat chun thanom tah le tom ngai tah-a a student ho ahil ding ahi.
6. Mihil khat chun a student ho akihou pithei soh keiding, hao le vai, limlemel, numei pasal chule thep le theplouva mi dat (sihnei langnei) abol louhel ding ahi.
7. Mihil khat chun a student ho umdan vetsah nan; chapang ada sasa hin kisol chule mipilhing ho jong boina jat chom chom, ahethem ma asuh milsah-a Pathen thujoh agelsah ding hi thil pha pen tah ahi.
8. Text book hi manchah-a student ho hilding ahi manna class kipatna patna achai geija simlah tho jeng bol louvin apha.
9. Mihil khat chun kicheh tah-a student ho jah cheh thei dinga a aw asansah-a chule anemsah ding ahi.
10. Class room sunga ahidheh-a chapang neo ho achangu va umseh louvin apha, ajeh chu achangu va aum tengu le akinah lo jiuvin ahi.
11. Sunday school building kitup ma neilouva mi inna Class lahon chapang ho suhset thei ipi umem ti phatah-a vetnin apha.
12. Mihil khat hina-a I student ho kiki chat sah sanga kingai lut sah joh ding apha.
13. Mihil khat chun a student ho hina ahidheh-a chapang seingai lou ho chu moh pho jeng sanga ahinao tichu Anu le Apa hindan (family background) changei ja hethoh-a phatah-a hilding ahi.
14. Mihil khat chu a student hon atah san lou le athu hil chu mohseh hiding ahi.

15. Student ahideh-a chapang neo cha ho chu thu le la, a toh toh tho pum le alim vetsah puma hillin aphaï.
16. Mihil khat chun class alah teng touthim beh sangin vale le jong phante.
17. Mihil khat hina a itha achol teng I student ho tohthei/simthei khat bol sah in aphaï.
18. Student hon ithu hil ahèt mong nah uvem ti hetna-a thudoh jong doh jin aphaï.
29. Mihil khat hina-a thu kihil pet le tahsa dam mona khat inei khah a ahitah jongle I student ho hetsah louvin aphaï.
20. Hapta sunga Student khattou birthday manga umtengle “happy birthday to you” ti la kisah pi hen lang taona kiman peh le pha lleh inte.
21. Mihil khat chun a student ho min ahèt cheh in aphaï.
22. Student ahideh-a chapang ho thanop kah sung hi chom cha ahi hetna neija hiche sunga ahèt diu dol hetsah thei mihil nu/pa chu mihil them tia het ahi.
23. Mihil khatchun von thengsel kivon henlang kitup tah-in kiseumle student ho vet jui thei hinte.
24. Mihil khat touvin Pathen thu a hilna-a het chet theilou anei khah hihen chapang thungai lou ho chung chang hijongle mihil chanpi hotoh seikhom ding neo nan neida hen.
25. Mihil khat chun aStudent ho a absent tenga jeh het doh teina dinga aloi agol, a-in sah a-in lhang chule Anu le Apa adoh-a ajeh ahèt doh teijin phante. Chutia igel khoh dan chuAnu, Apa chule i-student nu ham, pa ham jong chu nahin het doh teng Pathen loupi ding ahi.
26. Mihil khat chu class a absent louvin aphaï. Alou thei louva a absent ding tah jongle akhel ding aki holla amajong chun kigotna phatah-a aneitei ding ahi.
27. Mihil khatchu Christian chonna toh kitoh-a hinkho theng amanna hitoh lhona Houin kaina lamma jong pontho tah-a Chapang ho vetjui theitah ahi angai yin ahi.
28. Mihil khatchun a student ho Pathen thua then dan ahetsah toh lhona lamdih lou, vetsahna; exam phat tengle guh chah, lah chah ahi loule seipeh, suhdih peh bollou vin phante.
39. Sunday school jilkung khat chu athuhil na-a Pathen Lhagao apantei ngai ahi.
30. Toh khomna amachal nadinga Jilkung holah-a genthei ni hihen kipani hijongle kihet them tona neijing ding aphaï.

Thuchaina

Houbungin Jesu Christa pilhin dungchan aphah masangse a dinga Pathenin thilpeh jat chom chom apeh holah-a MIHIL hina hi thupi pen tah khat, mihem khat thina-a kona hinna lampi a puidoh thei thanei na kipe ahitah jeh-in, lunglut tah le thanom tah-in bol jing leu hen Pathenin einganse nao subulhing hiu hitin, hiteng chule Pakai kipana ihi diu ahitai.

Malam hinkho-a Pakaiyin eipui jing taohen. Amen